

刑部比照加減成案續編

刑部比照加減成案

杭州

刑律受贓

官吏受財

河南司

道光十年

河撫咨信陽州成金堂因瘋毆傷雇工徐亮身死賄和匿報案內之地保胡全禮於

人命重案。輒敢聽屬得受賊錢二十千文。
隱匿不報。合依枉法。賊二十兩。杖六十。徒
一年。無祿人減一等。律應杖一百。酌加枷
號一個月。

浙江司 道光五年

浙撫咨嚴坤等。開場聚賭案內之差役陳
亮、地保胡元等。均得賊五兩零。應照枉法、

賊五兩至十兩杖九十律。各杖九十。沈奇等得賊四兩零。應照枉法贓一兩至五兩杖八十。該犯等均係無祿人。應減本罪一等。惟係知法犯法。仍應加一等。俱加枷號一個月。

山西司 道光四年

晉撫題捕役白碌因安進財疑賀幅管行

竊。往。向。挾。詐。不。遂。將。賀。幅。管。呈。控。白。碌。令。
賀。幅。管。出。錢。和。息。希。圖。從。中。沾。潤。賀。幅。管。
無。處。設。措。恐。伊。兄。查。知。抱。怨。愁。急。莫。釋。乘。
閒。自。縊。身。死。查。白。碌。令。賀。幅。管。出。錢。係。爲。
調。處。和。息。尚。非。藉。端。嚇。詐。卽。其。希。圖。從。中。
沾。潤。亦。屬。乘。機。設。詞。欺。騙。與。實。在。蠹。役。詐。
贓。致。斃。人。命。者。有。閒。自。應。比。例。酌。減。問。擬。

白碌應照蠹役恐嚇索詐貧民致斃人命
不論賊數多寡擬絞監候例上量減一等
杖一百流三千里安進財始則疑竊訛詐
繼因訛詐不遂誣竊妄控致釀人命若僅
照誣竊本例擬杖未免情浮於法安進財
應照棍徒擾害良人發極邊足四千里例
上量減一等擬杖一百徒三年

山東司

道光五年

東撫咨韓聖傳係犯賊革役。不思改過守法。復隨同糧差馬文莘幫催錢糧。因徐有文被馬文莘嚇唬。應允代完同族徐謙修錢糧。輒起意索詐。得賊俵分。實屬玩法。惟查例內並無革役犯賊。作何治罪專條。應照白役犯賊例治罪。韓聖傳與馬文莘共

詐得徐有文制錢七千五百文。計賊在六兩以上。係該犯起意。韓聖傳應比照蠹役索詐貧民者六兩至十兩杖一百徒三年例。杖一百徒三年。

湖廣司 道光五年

南撫奏王希武身充捕役。商同釋回賊犯。平空嚇詐于三錢文。禿馬六帮同王希武

將于三等鎖拏情節較重。例無平人隨同
蠹役詐贓治罪明文。禿馬六應卽於王希
武詐贓軍罪上量減一等杖一百徒三年。
浙江司 道光六年

浙撫題戴魁奉票查傳盧氏之夫葉阿寬
質審。適葉阿寬外出。該犯因票限嚴緊。慮
受比責。欲將盧氏帶縣搪比。盧氏懇緩。該

犯輒卽翻桌撩鍊。逼令盧氏將葉阿寬交出。以致盧氏被逼自縊身死。例無作何治罪專條。自應比例酌量問擬。戴魁應照蝨役詐贓致斃人命擬絞例上量減一等杖一百流三千里。

山西司

道光七年

晉撫題張雲奉差緝匪。將賭犯劉如亨鎖

獲輒聽許錢免送致劉如亨許錢無措愁
急墜鍊身死查劉如亨係出具糾賭例應
緝拏之人其許湊錢文央求免送尚非張
雲嚇詐勒逼自應比例量減問擬張雲比
照蠹役詐贓致斃人命絞候例上量減一
等杖一百流三千里

奉天司

道光七年

西城察院移送王祿奉票差傳孫天璽輒將伊妻李氏鎖拏私押三日嚇詐京錢五千文迨本官備文移送南城復敢稽壓公文隱匿月餘藐法已極遍查律例並無衙役鎖拏無辜婦女嚇詐取財專條若僅照不應禁而禁及沈匿文書罪止擬杖卽依蠹役詐贓一兩至五兩罪止枷杖殊不足

以示懲。自應酌量問擬。王祿應照蠹役詐
贓一兩至五兩杖一百。枷號一個月。例上
加一等。擬杖六十。徒一年。臂刺蠹役二字。
據供親老丁單。係蠹役詐贓。不准畱養。

河南司 道光十年

河撫咨李長法奉差傳人。因被控之杜聿
書潛逃無獲。慮干比責。向杜聿書之父杜

興詩嚇逼交人。致杜興詩被逼情急自盡。
訊無詐贓別情。惟律例內並無衙役恐嚇
斃命。並未詐贓。作何治罪專條。李長法應
照蠹役詐贓斃命絞候例上量減一等杖
一百。流三千里。閭學趙順隨聲附和。卽屬
爲從。應於李長法流罪上減一等杖一百。
徒三年。

河南司 道光十年

河撫題孟縣差役馬建祿因賈泳觀堂弟
賈泳魁之母賈李氏與顧興壽爭毆。磕傷
後因病身死。控縣訊結。賈泳觀唆令翻控。
不從。卽捏李氏係顧興壽毆死。控府批縣。
飭差馬建祿傳審。馬建祿將賈泳觀尋獲。
私押張瑞慶店內。又將賈泳魁等傳齊帶。

店。賈泳觀乘閒逃跑。馬建祿追及扭回。並以鎖押稟官責處之言恐嚇。賈泳觀被嚇。用刀自刎身死。該撫以逼斃之賈泳觀。係滿流加徒罪人。將馬建祿於蠹役嚇詐致斃人命絞罪上。減等杖流。再減一等杖徒。本部查差役馬建祿。奉差拘傳。將賈泳觀尋獲。並不送官。擅自私押。致賈泳觀畏罪。

逃跑。經該犯追回。猶不稟官。輒向恐嚇。致令自戕。雖訊無索詐情事。亦應於蠹役詐贓。致斃人命。絞罪上量減擬流。各駁該撫。照駁。改擬杖一百。流三千里。

河南司 道光十一年

河撫題鹿邑縣差役王鳴柯等奉票拘人。因被控之王育林潛逃無獲。不行設法偵

緝畏受比責。輒將其叔王次錄帶往查拏。逼將王育林交出。致王次錄情急自縊身死。例無作何治罪明文。自應比例量減問擬。王鳴柯應照蠹役詐贓致斃人命絞候例上減一等杖一百。流三千里。戴伏先聽從同往。隨聲附和。卽屬爲從。應於王鳴柯滿流上減一等杖一百。徒三年。

河南司

道光十一年

河撫題高銀山充當信陽州州判衙役。因彭增瀝誣告杜碩直毆打。由該州判訊明。飭令該犯將彭增瀝鎖項解州審辦。該犯因彭增瀝央求免解。遽向嚇逼同行。以致彭增瀝被嚇畏罪潛逃。乘閒自盡。實屬玩忽。例無作何治罪明文。自應比例量減問。

擬高銀山應照蠹役嚇詐致斃人命絞候
例上減一等杖一百流三千里。

貴州司 道光十三年

貴撫咨龍泉縣捕役張順等聽從典史屠
世鎰將劉星得鎖押索詐以致劉星得情
急墜鍊身死。例無差役聽從本官主使詐
贓斃命治罪明文。惟因欲討好圖得賞銀。

聽從嚇詐致釀人命核與蠹役詐賊斃命案內爲從之犯情事相同張順等比照蠹役嚇詐致斃人命不論賊數多寡絞監候例爲從減一等杖一百流三千里典史屠世鑰違例擅受主使捕役詐賊斃命罪有應得業經咨革於取供後病故應毋庸議

廣東司

道光十三年

廣撫題平遠縣差役曾祿等奉票飭傳蕭東官審訊。輒因盤費不敷。商同卓聯等向蕭東官索取飯食錢文。不允被罵。互相口角。并稱帶案勒令交兇。以致蕭東官之妻蕭李氏恐伊夫到官受累。憂慮自縊身死。實屬藉差索詐。惟該犯等僅止向蕭東官討取飯食錢文。並未指有確數。而蕭李氏

之自盡。又因慮恐伊夫到官受累。並非盡由該犯等索詐所致。自應酌減問擬。會祿等應照蠹役嚇詐致斃人命。不論賊數多寡。絞候例上。量減一等。杖一百。流三千里。

安徽司 道光十三年

安撫奏差役陳堂之子陳培。因開設過載行之捐納訓導。何鐸代雇差馬遲延。該犯

恐誤差受責。將何鐸鎖至家內。出言嚇逼。致何鐸情急自盡。查何鐸違例私充牙行。本有不合。該犯明知係屬職官。將其鎖項。雖無詐贓情弊。究屬玩法。該犯本非差役。既代其父辦公。有犯應同役論。律例並無差役因公逼斃人命。作何治罪明文。若照蠹役嚇詐斃命絞候例上。量減擬流。尚覺

情。浮。於。法。陳。培。應。實。發。雲。貴。兩。廣。極。邊。煙。
瘴。充。軍。陳。堂。奉。差。催。雇。騾。馬。輒。令。其。子。陳。
培。代。催。致。釀。人。命。應。照。違。禁。私。帶。白。役。例。
杖。一。百。枷。號。一。個。月。

貴州司

道光十四年

貴撫題桐梓縣捕衙差役周幅、因妻先禮
等被妻得罄控告。該典史飭令夏銘馬高

傳訊。夏銘轉邀周幅同往鎖拏。婁先禮。婁先信不服。被周幅馬高用木棒鐵鍊毆傷。後周幅起意訛詐嚇逼。以致婁先禮。婁先信弟兄被逼情急。投河自盡。例內並無蠹役嚇詐。逼斃一家二命。作何從重治罪。明文自應從一科斷。周幅合依蠹役嚇詐致斃人命。不論賊數多寡。例擬絞監候。該犯

藉差嚇詐。逼斃一家二命。兇惡已極。應請旨。卽行正法。夏銘等均係捕衙差役。其聽糾嚇詐。以致妻先禮等自盡。應於周幅絞罪上。減等擬流。惟恃眾詐逼致死一家二命。情節較重。僅擬滿流。未免情浮於法。應從重俱發往新疆。酌撥種地。當差。

山西司 道光十四年

晉撫咨弓兵吳光慶等奉票傳人。私邀弓兵史庭成幫傳。致史庭成鎖帶任道增行。至邨外崖上。任道增之子任沅管趕送盤費。喊令緩行。該犯喝禁喊嚷。任道增不依。欲卽轉身爭鬧。被史庭成拉住鐵鍊不放。任道增將史庭成推跌落崖。一同跌傷身死。雖任道增之死。由於史庭成拉跌落崖。

所致。然非該犯私邀史庭成帮傳。何至同
時跌斃兩命。是該犯滋事釀命。實屬咎無
可辭。例無作何治罪明文。查任道增雖非
因該犯等詐贓逼斃。第私帶弓兵釀命。實
與私帶白役逼命無異。自應比例問擬。吳
光慶應比照白役詐贓逼命之案。若正役
僅止知情同行。並無嚇逼情事者。杖一百。

流三千里。

安徽司

道光十年

安撫咨差役黃倖聞知命案餘犯左五禿
孜潛回屬令堂弟黃本先往探聽黃本轉
邀周四同至左五禿孜家門首左五禿孜
知覺欲逃黃本等攔阻被左五禿孜祖母
左馬氏持刀撲砍黃本氣忿回毆將其砍

傷身死。該撫以正身衙役。屬令旁人幫捕。致釀人命。例無治罪明文。將黃俸比照白役詐贓逼命。正役知情同行。滿流例上。量減擬徒。部以黃俸因奉票緝拏。逃犯本屬應捕。其屬弟黃本先往探聽。係屬人情之常。與私帶白役者迥不相同。至黃本因左五禿孜之祖母馬氏阻護。用刀向砍。將其

同毆致斃。尤非黃倖意料所及。核與知情同行詐贓逼命者情節懸殊。惟伊弟毆斃人命。究由該犯屬令往探所致。應改照不應重律杖八十。

安徽司

道光十四年

安撫題差役繆淋奉差緝犯。聽從蘇寅詐贓致斃人命。查蘇寅係該犯帮役。雖卯簿

有名。原非白役可比。惟並未同奉官差。輒行私同帶往。並聽從詐贓逼命。與同奉官差聽從嚇詐斃命者不同。將繆淋從重照白役詐贓斃命如正役知情在場。幫索例發極邊足四千里充軍。

湖廣司

道光十年

南撫題屈產估充當縣役。令屈蘇恩假充

幫役前赴印仕庭家裝飾圖詐致印張氏
被毆落河溺斃與主使白役詐賊斃命無
異屈蘇恩應比依白役詐賊斃命照例擬
抵外屈產估應照正役雖未同行而主使
詐賊者發極邊足四千里充軍

官吏聽許財物

河南司 道光十二年

河撫咨裕州民楊允執誣告席欽開場聚賭。書差鎖押勒索等情。查李振清身充州役。因楊清安欲爲楊允執等具呈請息屬勿往傳。該犯輒向索錢十八千。尚未入手。李振清應比照官吏聽許財物雖未接受。

事若枉者准枉法論減受財一等律枉法
贓十五兩杖一百無祿人減一等財未入
手又減一等遞減爲杖八十該犯恃役索
詐再加枷號一個月。

有事以財請求

江西司 道光六年

江西撫題鍾廷三、銃傷謝啟聰、謝啟業身
死。例應擬斬。今在逃未獲。其胞弟鍾廷四、
恐家屬無人養贍。冒名到案頂認兄罪。與
凡人得受正兇、賄賂頂認者不同。應於奸
徒頂認正兇、審係案外之人、尚未成招、旋

卽破案減正犯罪二等例上酌減一等應
於鍾廷三斬罪上減三等杖九十徒二年
半。

湖廣司 道光十四年

南撫咨劉友厚等均係擬絞免死減流之
犯中途賄屬押解兵役或雇乞丐或令其
子頂替解配卽與頂兇無異均比照奸徒

受賄頂兇原犯軍流等罪依罪流脫逃改
調例加等調發該犯等原犯滿流仍照免
死減等流犯中途脫逃被獲改發近邊充
軍初次脫逃枷號一個月滿日解配安置

在官求索借貸人財物

浙江司

道光十三年

浙撫岑王元桂身充庫書前借莫與倫舊欠未還。又復向借。莫與倫畏其聲勢先後借給制錢三百千文。洋錢五百圓。按例已應滿徒。該犯於提審之時復又狡展。希圖抵制。實屬刁詐。王元桂照官吏挾勢借貸。

所部內財物律擬以滿徒加一等杖一百。
流二千里。

山西司

道光九年

欽差奏山西平定州門丁張四小卽張輝。
因該州審辦朱惠吉毆傷朱照實一案。誤
會例意。以朱照實之死。由於朱照幅捆縛
所致。以朱照幅抵罪。適張冀代朱惠吉向

張四小求託該犯卽乘機撞騙得受制錢一百千該犯係屬門丁非得執法之人其私受賄錢應以不枉法論惟以家人輒因本官偏見乘機舞弊情殊狡詐若僅照不枉法賊折半科罪五十兩杖六十徒一年無祿人減一等殊覺輕縱自應從重比例問擬張四小應比依長隨求索嚇詐得財

在官求索借貸人財物

三

舞、獎、者、照、蠹、役、詐、贓、例、治、罪、蠹、役、詐、贓、十、
兩、以、上、發、近、邊、充、軍、

剋留盜賊

陝西司 道光五年

陝督谷臯蘭縣賊犯馬賽保等夥竊事主
劉世達等店內布疋捕役馬四截留賊賊
匿不稟繳私行變賣入己殊屬不合馬四
應比照已獲盜賊剋留賊物若軍人弓兵
有犯者計賊罪止杖八十律擬杖八十

刑律詐僞

詐爲制書

江西司 道光十二年

江西撫咨徐必定抄寫道光十年緩徵騰黃。朦混刻賣。查十一年清江縣被水較輕。並未緩徵錢漕。該犯輒將原刻十年緩徵報單刻賣。以致鄉民互相訛傳。觀望不納。

實屬玩違。但十年本有緩徵

上諭。與詐爲原無

制書者不同。應於詐爲

制書。斬監候罪。上減一等杖一百。流三千里。

浙江司 道光十四年

浙撫岑王沅。因貧起意。冒充災民。僞造移

文護票圖騙口糧。既經描有印信。卽與盜用無異。若照描摹印信不得財例。擬以滿杖。未免輕縱。王沅應比照詐爲州縣衙門印信文書爲首律。杖一百。流三千里。

河南司 道光九年

河撫咨陝州李甲第身充道書。膽敢捏造本官朱筆諭單圖赴煤窯誑騙殊屬不法。

該犯已向偃師縣工書田卓、誑借得錢。卽與詐爲文書、誑騙財物、無異。惟究係諭單與詐造印信文書有閒。自應比例量減。問擬李甲第應比照詐爲衙門文書、誑騙財物、問發近邊充軍。例上量減一等。杖一百。徒三年。係書吏知法犯法。照例加一等。擬杖一百。流二千里。

福建司

道光十年

福撫咨世職雲騎尉歐注生先因擅用私
刊世職木戳移府銷案被議咨革嗣又圖
復原職仍用未銷木戳詐爲官文書妄交
驛遞實屬玩違歐注生應比照詐爲其餘
衙門文書杖一百徒三年律上加一等擬
杖一百流二千里。

詐傳詔旨

江蘇司 道光十三年

蘇撫題張寒香、偽充官報房、私報老民頂戴、誑騙錢文、殊屬不法。例無治罪明文。張寒香除誑騙計贓輕罪不議外、比照詐傳詔旨、斬監候律上減一等杖一百、流三千里。

浙江司

道光六年

浙撫岑馬大純與朱田氏通姦。經府訊斷。將朱田氏給還本夫朱紹慶領回。馬大純因戀姦情密。輒敢捏造前臬司批示。希冀朱田氏離異歸宗。仍得遂其姦淫之計。實屬玩法。馬大純應比照詐傳三品官言語律杖一百。該犯係屬縣書。甫於本案斥革。

仍照知法犯法加一等例杖六十徒一年。

湖廣司 道光十年

北撫咨黃掄榜京控戶書張一清捏造本
府飭查私充牙行扎稿希圖詐騙尚未行
用得贓亦無印押與詐爲官文書者不同
惟係書吏犯法應將張一清照詐傳四品
衙門官言語律杖一百加枷號兩個月

偽造印信時憲書等

浙江司

道光四年

浙撫咨周時中、身充縣書、膽敢貪得謝儀、私雕假印、捏造卷宗、實屬不法、計得贓銀一兩五錢。周時中、應照偽造諸衙門印信、誑騙財物爲數無多例、杖一百、流三千里。係書役知法犯法、照例加一等、發附近充

軍姚星峯訊係僅受些微價值代爲私雕。並無同謀分贓情事。應照例於首犯罪上減一等杖一百。徒三年。

湖廣司 道光五年

北撫咨區復壯起意私雕假印。形質已具篆文字體。僅止筆畫缺少。並非造而未成。其蓋於官封上面。先給關亞布等攜帶逃。

走係屬已行。雖其意止圖盤詰搪抵。並未
詐爲衙門文書。亦未誑騙銀錢。第該犯等
以在配流囚。膽敢商謀潛逃。私雕假印。雖
未得財。情節較重。自應比例問擬。區復壯
照。僞造印信。誑騙財物。銀不及十兩。錢不
及十千。例杖一百。流三千里。係已流重犯
流罪。照律決杖一百。於配所拘役四年。

陝西司 道光六年

陝督咨劉三起意翻刻時憲書私雕假印。
詎騙售賣計贓錢五千文。查時憲書係照
依樣本翻刊與偽造不同。應仍以私雕假
印。詎騙行使科斷。劉三合依偽造諸衙門
印信止圖。詎騙財物爲數無多。銀不及十
兩。錢不及十千。爲首雕刻者杖一百。流三

千里。

直隸司 道光十一年

直督岑東明縣已革糧差崔建邦、王進祿、
承催錢糧。輒因畏比。先後起意私造假印。
糧串。誑騙花戶銀錢。實屬藐法。王進祿雖
係知情。事後效尤。第行用假串。各不相謀。
厥罪維均。應按入已之贓。各科各罪。惟該

犯等誑騙花戶錢文均係民間財物與冒支在官錢糧不同。崔建邦、王進祿所騙花戶錢文計贓均不及十兩。自應按例問擬。崔建邦、王進祿均依偽造印信誑騙財物爲數無多銀不及十兩爲首雕刻者杖一百流三千里。該犯等均係衙役知法犯法。照例加一等發附近充軍。

廣西司

道光十一年

順天府奏交葉四等商同描摸印契。誑得朱姓京錢一千串。計贓已在徒罪以上。雖供係在逃之金良弼起意爲首。惟該犯同謀分贓。印信又係該犯描摸。實屬藐法。未便僅照爲從。於軍罪上減等擬徒。葉四應於描摸假印爲從。滿徒罪上酌加一等擬

杖一百。流二千里。

江蘇司 道光十四年

蘇撫咨居輞秀係已革坐催。並無經手錢糧之責。該犯於糧書倪騰楨等託完錢糧。那用至三十餘兩之多。因一時無措。輒敢偽造串票。搪抵實屬不法。惟該犯僅止雕刻串板木戳。並未偽造印信。且於那用之

後捏串圖抵與偽造印信冒支錢糧者不
同居。姻。秀。應。請。比。照。偽。造。印。記。誑。騙。財。物。
爲數多者將爲首雕刻之人發雲貴兩廣
煙瘴少輕地方充軍。

廣東司 道光十年

提督岑郝文奎租賃托宅房屋開設茶館。
因鋪本虧缺指該鋪房屋央馬二押借馬

二因無房契難以借錢該犯起意向馬二商允轉央阿九描寫假契串通驍騎校扎拉洪阿出名民人李幅岳二作保向吉宅誑借得京錢一千六百千分用內給阿九描畫假契工錢三十千郝文奎合依描摹印信行使誑騙財物該犯徒罪以上例發邊遠充軍阿九雖無同謀分贓情事惟貪

得謝錢。代描印契。應比照偽造假印。僅受些微價值。代爲私雕例。與代找阿九描摹假契分贓無多之馬二。聽從出名騙借之扎拉洪阿。知情作保得受謝錢之李幅岳二。均合依爲從律。於郝文奎軍罪上減一等。杖一百。徒三年。扎拉洪阿革去驍騎校。與阿九一併銷去本身旗檔。

河南司 道光十三年

河撫咨浙川廳訪獲奚三、描摸假印。與伊兄奚二、誑騙楊文德稅銀。繼又聽從奚二雕刻木戳。蓋用契紙。誑稱代爲稅契。騙得曹錫齡等錢文分用。該犯與兄奚二、厥罪惟均。查該犯等描摸假印。得賊不及一兩。雕刻木戳。得賊一百一十千零。惟所雕木

戳。與。印。文。絕。不。相。同。未。便。照。私。雕。假。印。論。
第。捏。爲。稅。契。將。木。戳。蓋。用。契。紙。誑。騙。得。財。
卽。與。描。摸。誑。騙。無。異。奚。二。奚。三。均。比。依。描。
摸。印。信。行。使。誑。騙。財。物。犯。該。徒。罪。以。上。發。
邊。遠。充。軍。

浙江司 道光十四年

浙撫咨地保葛元善、私雕假印。尚未行用。

依印信甫經雕刻尚未行用減得財一等
例於誑騙財物爲數無多滿流例上減一
等滿徒係地保照知法犯法例加一等杖
一百流二千里。

私鑄銅錢

陝西司 道光十年

塔爾巴哈台參贊大臣咨候本儒鄒先道、
用銅鐵做成假銀。段紹密知情買使用去。
假銀一百餘兩之多。偷換喀薩貨物。實屬。
膽大。營私。欺騙外夷。若僅照偽造金銀。及。
知情買使之例。分別首從擬徒。未免輕縱。

應請將侯本儒、鄒先道、段紹密三犯一併發遣。查侯本儒等偽造假銀行使，按律罪應擬徒。該大臣以該犯欺騙外夷，請將該犯從重發遣，係爲整頓邊疆起見，應如所咨辦理。

浙江司

道光八年

提督奏交譚老私鑄鉛錢案內之姚四訊

無帮同鑄造。惟明知譚老私鑄。輒代爲燒火做飯。實屬不合。姚四應比照私鑄銅錢受雇挑水打炭滿徒例上減一等杖九十。徒二年半。

雲南司

道光五年

雲撫岑吳樊序等聽從逸犯鄭序廣私鑄銅錢案內之李云等貪利指引販運例無

治罪明文。惟查房主明知私鑄。並不拏獲首告。例應滿徒。李云等應比照私鑄案內房主知而不拏獲舉首例。各杖一百。徒三年。

湖廣司

道光十三年

湖督奏魏二身充總甲。明知呂章英等私鑄。輒受賄六千文。爲之包庇。按枉法贓一

十兩。罪止杖責。如僅照本例科斷。是置受
賄於不論。未免輕縱。魏二應於總甲知而
不拏獲舉首杖一百。徒三年。例上加一等。
杖一百。流二千里。

河南司 道光四年

河撫題洛陽縣馮第二私鑄鐵錢三十餘
千。售賣圖利。例內並無私鑄鐵錢。作何治

罪明文應照私鑄鉛錢至十千以上爲首
絞監候例擬絞監候葉羊楊鎖劉有知情
販賣應照知情買使減一等例杖一百流
三千里梁玉孫會營訊止受雇帮工並非
夥同鼓鑄未便以爲從科斷應比照私鑄
銅錢十千以上如受些微雇值挑水打炭
者杖一百徒三年例杖一百徒三年

河南司

道光八年

河撫咨洛陽縣李文私鑄鉛錢。聞拏投首。
比照私鑄鉛錢十千以上爲首絞罪。上聞。
拏投首減爲杖一百。流三千里。

四川司

道光十三年

川督咨南充縣馮添貴私鑄鉛錢未成。案
內之王長春受雇打雜。例無作何治罪。明

文應照私鑄銅錢挑水打炭之人知而不
首杖八十徒二年例上量減一等杖七十
徒一年半房主田正才約鄰賈和王錫用
易順蛟均應於私鑄鉛錢若房主人等僅
止失於查察者杖八十罪上減一等杖七
十。

四川司

道光十三年

川督岑仁壽縣羅沅順邀同李現盛等租賃申定鰲空房私鑄鉛錢雖已作就錢模尚未設爐開鑄卽被拏獲與業已開爐鑄而未成者究屬有閒自應比例酌減問擬羅沅順應照私鑄鉛錢未成將起意爲首之犯杖一百流三千里例上量減一等杖一百徒三年李現盛聽從出本合夥照爲

從依次遞減例應於私鑄未成爲從杖九十徒二年半上減一等杖八十徒二年申定鰲貪利租給空房訊未入夥應於私鑄未成房主知而不首杖六十徒一年罪上減一等杖一百。

福建司 道光十三年

提督咨暨得勇先因僞造假銀擬徒釋回

後復起意偽造灌鉛假銀。甫經將銀挖孔。尚未灌鉛。卽經犯案。核與做造已成者有閒。暨得勇合依將銀挖孔傾入銅鉛偽造使用。滿徒罪上量減一等。杖九十。徒二年。半。係釋回再犯。應仍酌加一等。擬杖一百。徒三年。

浙江司 道光十四年

浙撫岑周順一夥同僞造洋錢。訊係在逃之郭象盤起意爲首。該犯爲從。例無治罪明文。自應比例問擬。周順一應比照銅鉛等物傾成錠。鑄外用銀皮包好。滿徒例上。爲從減一等。杖九十。徒二年半。

安徽司 道光十三年

安撫岑潘建和因饑民向買糧食。有小錢

夾樣零星收受。攙和存貯。並非有心買使圖利。且行使未成。例無治罪專條。潘建和應於經紀鋪戶人等攙和私錢行使發各省駐防給官兵爲奴例上量減一等杖一百。徒三年。

浙江司

道光十三年

浙撫咨王祥官聽從謝阿三販運小錢。尚

未行使。例無治罪專條。王祥官應比照經紀鋪戶人等攙和私錢行使者。發各省駐防給官兵爲奴例上。爲從減一等。擬杖一百。徒三年。

直隸司 道光十二年

提督奏劉七私販鉛錢案內之王淳聽從伊父王宏志私鑄鉛錢售賣。數至二百餘

千之多。訊係伊父起意。自伊父故後。伊並無私鑄販賣情事。固未便科該犯以爲首。擬絞之條。亦未便竟照一家人共犯罪坐尊長例。竟予免議。王淳應比照拏獲私鑄如本犯。問擬斬絞。其知情分利之同居父兄伯叔與弟。減本犯罪一等例。杖一百。流三千里。

詐假官

湖廣司 道光十一年

南撫咨楚啟甲將已故監生陳世款部監
二照私收未繳起意倩人挖補頂冒鄉試
例無治罪專條楚啟甲應依考職貢監生
假冒頂替照詐假官治罪於無官而詐稱
有官杖一百徒三年該犯挖補監照增減

官文書於本罪上加二等杖一百流二千五百里。

河南司 道光四年

河撫咨新鄭縣高海觀因誤聽白臯傳言湖南糧道達撒布之子達太係宛平縣生員襲七品廕生卽起意假冒七品廕生職銜投遞手本圖幫盤費與詐稱假官有閒

高海觀應比照無官而詐稱有官但係圖
騙一人圖行一事犯該徒罪以下發近邊
充軍例上減一等杖一百徒三年。

陝西司 道光九年

陝撫題羅青雲因貿易折本負欠不能回
籍起意冒戴翎頂假稱守備職官央岳峻
作保轉借銀兩立約認息冀圖回籍變產

清還。且又告知實在姓名住址。得使跟踪追討。不意回家之後。伊母不肯變產。以致無還。是該犯假官。只係圖借。尚非圖騙。自應比例量減定擬。羅青雲應於無官而詐稱有官。並未造有憑劄。但係圖騙一人圖行一事。犯該流罪。擬絞監候。罪上減一等。杖一百。流三千里。

湖廣司

道光十一年

北撫咨陳大名商令王福詐充委員。造有
總督扎委。並描摸關防。惟止圖騙船戶。與
偽造憑劄。詐爲假官者不同。按描摸假印。
行使誑騙。未經得財。罪止滿杖。該犯描摸
關防。捏造扎文。復詐充委員。應從重定擬。
陳大名除描摸印信。未經得財。輕罪不議。

外。比照無官而詐稱有官。並未造有憑劄。但係圖騙一人圖行一事。犯該徒罪以下。例發近邊充軍。

四川司 道光十四年

川督岑蒲江縣王一心。令田有方假冒營弁。自充書識。並邀梁添佑充作兵丁。計圖藉查地方。詐騙錢文。雖經捏造查牌。究與

偽造憑劄有閒。且僅向李恭連一人詐得錢二千文。卽被訪問拏獲。尚無另有不法別案。惟田有方詐稱武弁。係王一心起意主使。應以王一心當其重罪。王一心除詐騙得贓輕罪不議外。合依無官而詐稱有官。並未造有憑劄。但係圖騙一人圖行一事。犯該徒罪以下者。發近邊充軍。田有方

等、均、依、爲、從、律、於、王、一、心、軍、罪、上、減、一、等、
各、杖、一、百、徒、三、年、彭、紹、倫、等、曾、經、夥、謀、假、
充、營、弁、捏、造、查、牌、並、言、明、詐、得、錢、文、分、存、
收、用、亦、屬、不、法、惟、實、未、同、行、若、與、田、有、方、
一、律、科、斷、似、覺、漫、無、區、別、自、應、量、減、問、擬、
彭、紹、倫、甯、必、仁、張、家、謨、應、於、田、有、方、等、滿、
徒、上、量、減、一、等、各、杖、九、十、徒、二、年、半、

詐稱內使等官

廣東司 道光八年

廣撫谷曲江縣黃得連、因探知客商周老五等船內夾帶鴉片煙土起意糾夥冒充兵役。前赴該船恐嚇搜搶販賣。雖所搶鴉片煙土係違禁貨物。惟明知其鴉片箱內貯有錢錫。一併搶獲。卽屬搶奪財物。計賊

銀二十三兩零。照律已應滿徒。該犯係主使夥黨。冒充兵役。搜查客船。應從重問擬。黃得連合依詐充各衙門差役。搜查客船。嚇取財物。擾害軍民。犯該徒罪。以上者。無論有無籤票枷號。一個月發近邊充軍。

山西司 道光十年

晉撫咨賈克敏。假充差役。嚇詐僧人。致遵

銀錢不遂。將其拴鎖正殿。令夥犯吳四兒看守。自與尉穆兒搜取財物。一同逃逸。則與嚇取財物無異。雖計贓僅止五兩。惟該犯於夤夜之時。冒充差役。又復執持鐵繩。鎖拴事主。嚇詐不遂。搜取財物。實屬情兇。勢惡。賈克敏合依詐充各衙門差役。假以緝捕爲由。妄拏平人。嚇取財物。擾害軍民。

犯該徒罪以上者無論有無籤票枷號一個月發近邊充軍。

直隸司 道光十四年

直督咨隋四假充巡役汛兵。乘機搶奪銀兩。若僅照搶奪計贓加等。擬以杖流。尚覺輕縱。隋四應比照假充各衙門差役。以緝捕爲由。妄拏平人。嚇取財物。犯該徒罪。

以上無論有無籤票柳號一個月發近邊充軍。

河南司 道光七年

河撫咨南召縣袁道乾因知劉錫明姦拐廖氏同逃欲爲堂姪袁聚旺謀娶廖氏爲妻起意糾同袁聚旺馮黑小前往假差嚇詐致劉錫明因姦拐敗露情急聽從廖氏

商謀同死。扎傷廖氏斃命。殊屬不法。惟查
假差嚇詐。致被詐之人自盡擬絞之例。蓋
專指被詐者係無辜平人而言。今廖氏究
係劉錫明因姦拐逃之婦。非若平人可比。
例無作何治罪明文。自應比附量減間擬。
袁道乾應比照假差嚇詐被詐之人因而
自盡擬絞監候例上量減一等杖一百流。

三千里。

詐病死傷避事

廣西司

道光八年

廣西撫岑曾盛積配合瘡藥。有蔓陀羅在內。食則昏迷。仍能醒轉。陳大凝索食。向洗立齒嚇詐。許俟得錢酬謝。不期用藥過多。以致受毒斃命。情非謀毒死。出不虞。遍查律例。並無索討迷藥。自食詐賴。以致被藥

毒斃。其知情給藥之人。作何治罪明文。惟
曾盛積。明知陳大凝圖詐。輒貪利給與迷
藥服食。卽與受雇傷殘。因而致死者無異。
自應比律問擬。曾盛積應比照恐嚇詐賴。
受雇爲人傷殘。因而致死者減鬪殺罪一
等律。於鬪殺絞罪上減一等杖一百。流三
千里。

浙江司

道光十四年

浙撫咨余羅氏因王蘭姑與余三友通姦
懷孕。王蘭姑倩該氏覓藥墮胎。以致王蘭
姑氣血傷敗斃命。例無治罪專條。自應比
附問擬。余羅氏應照受雇爲人傷殘因而
致死者減鬪殺罪一等律。於鬪殺絞罪上
減一等杖一百。流三千里。

詐教誘人犯法

福建司

道光四年

南城察院奏交吏目門丁錢升、夥同書役張琪等、聽許錢文將部交看押人犯李國柱發保。已屬枉法。其並不將案犯帶赴衙門。擅將部票藏匿。卽由茶館私行取保。致李國柱回家自盡。尤屬藐法。未便照枉法

賊二十兩擬徒。賊未入手。減等擬杖。錢升、應照長隨倚官滋事累及本官革職杖六十、徒一年。例杖六十。徒一年。